

景  
岳  
新  
方  
歌

新方歌括序

景岳之有新方誠純粹以精者也補和攻散寒熱因八陣之設悉依編次古方之法窺其製方用藥之意有足與古方相表裏而并發前人所未及者所以業醫者莫不潛心體玩奉以爲宗幾等於肘後千金俱爲枕中之秘矣顧方計以累百博聞之下強記頗難余因仿汪詡菴先生古方歌括之例而以韻語編之方係以歌脩載諸藥兼述治療使當日用意精深處顯然共明雖語愧不文未免貽譏謗陋然足爲從

事景岳者闢其易簡之路若熟讀是歌而能提綱挈  
領觸類旁通於以應變無窮博施濟衆庶無負仁人  
之術云爾是爲序

嘉慶歲次己巳孟春之吉錫山吳辰燦題

景岳新方歌括目錄

補陣

大補元煎

左歸飲

附左歸丸

右歸飲

附右歸丸

五福飲

附七福飲

一陰煎

加減一陰煎

二陰煎

三陰煎

四陰煎

五陰煎

大營煎

小營煎

補陰益氣煎

舉元煎

兩儀膏

貞元飲

當歸地黃飲

濟川煎

地黃醴

歸腎丸

贊化血餘丹

養元粉

玄武荳

蟠桃果

王母桃

休癰飲

和陣

金水六君煎

六安煎

和胃二陳煎

苓朮二陳煎

和胃飲

排氣飲

大和中飲

小和中飲

大分清飲

小分清飲

解肝煎

二朮煎

廓清飲

掃虫煎

十香丸

芍藥枳朮丸

蒼朮丸

括痰丸

貝母丸

神香散

攻陣

吐法

赤金荳

太平丸

敦阜丸

獵虫丸

百順丸

散陣

一柴胡飲

二柴胡飲

三柴胡飲

四柴胡飲

五柴胡飲

正柴胡飲

麻桂飲

大溫中飲

柴陳煎

柴苓煎

柴苓飲

柴胡白虎煎

歸葛飲

走馬通聖散

柴葛煎

歸柴飲

寒陣

保陰煎

抽薪飲

徙薪飲

大分清飲

清流飲

化陰煎

茵陳飲

清膈煎

化肝煎

安胃飲



玉女煎

太清飲

綠豆飲

玉泉散

雪梨漿

滋陰八味丸

約陰丸

服蠻煎

約營煎

熱陣

四味回陽飲

六味回陽飲

理陰煎

養中煎

溫胃飲

五君子煎

六味異功煎

胃關煎

佐關煎

柳扶煎

四維散

鎮陰煎

歸氣飲

煖肝煎

壽脾煎

三氣飲

五德丸

七德丸

復陽丹

黃芽丸

一炁丹

九炁丹

溫臟丸

聖米煎

固陣

秘元煎

固陰煎

兔絲煎

惜紅煎

苓朮兔絲丸

固真丸

玉關丸

鞏隄丸

敦阜糕

因陣

逍遙飲

決津煎

五物煎

調經飲

通瘀煎

胎元飲

固胎煎

涼胎飲

滑胎煎

毀胞煎

脫花煎

九蜜煎

清化飲

毓麟珠

贊育丹

柴歸飲

疎邪飲

涼血養營煎

柴葛煎

搜毒煎

六物煎

六氣煎

九味異功煎

透邪煎

牛膝煎

何人飲

追瘡飲

木賊煎

牙皂散

荔香散

外癰傷寒結胸法

連翹金貝煎

連翹歸尾煎

桔梗杏仁煎

當歸蒺藜煎

芍藥蒺藜煎

蝶蛸散

腸癰秘方

槐花蕊

金露散

二辛煎

冰玉散

冰白散

代匙散

三香散

二十四味敗毒散

景岳新方歌

表弟高秉鈞錦庭

錫山吳辰燦鶴山公纂

同學姚志仁體元

補陣

大補元煎爲首尊人參熟地草萸存杞歸杜仲熟山藥氣血俱傷妙可吞

治男婦氣血大壞精神失守危劇等證此回天贊

化救本培元第一要方 本方與右歸飲出入互用

人參

熟地

山藥

山茱萸

杜仲

當歸

枸杞

炙甘草

如元陽不足多寒者於本方加附子肉桂炮薑之類隨宜用之 如氣分偏虛者加黃芪白朮如胃口多滯者不必用 如血滯者加川芎去山茱萸如滑泄者加五味故紙之屬

左歸飲

萸地藥苓叢杞草齊成壯水功若使爲丸除



茯苓更加龜鹿二膠同兔絲牛膝還宜用精血能充  
效莫窮

此壯水之劑也凡命門陰衰陽勝者宜此方加減  
主之

熟地

茯苓

炙甘草

枸杞

山藥

山茱萸

如肺熱而煩者加麥冬血滯者加丹皮 心熱而  
躁者加玄參 脾熱易饑加芍藥 腎熱骨蒸多  
汗者加地骨皮 血熱妄動者加生地 陰虛不

寧者加女貞子止實下虛者加牛膝以導之 血  
虛而燥滯者加當歸

於本方去茯苓甘草加兔絲子牛膝龜膠鹿角膠  
名三歸丸 治真陰腎水不足不能滋養營衛漸  
至衰弱或虛熱往來自汗盜汗或神不守舍血不  
歸原或虛損傷陰或遺淋不禁或氣虛昏運或眼  
花耳聾或口燥舌乾或腰痠腿軟凡精髓內虧津  
液枯涸等證俱速宜壯水之主以培左腎之元陰  
而精血自充矣宜此方主之 如真陰失守虛火

炎上者宜用純陰至靜之劑於本方去枸杞鹿膠  
加女貞子麥冬 如火燥肺金乾枯多嗽者加百  
合 如夜熱骨蒸加地骨皮 如小水不利不清  
加茯苓 如大便燥結去兔絲加肉蓯蓉 如氣  
虛加人參 如血虛微滯加當歸 如腰膝痠痛  
加杜仲鹽水炒用 如藏平無火而腎氣不足者  
加破故紙去心蓮肉胡桃肉龜膠不必用 凡五  
液皆主於腎故凡屬陰分之藥無不皆能走腎有  
謂必須導引者皆見之不明耳

右歸飲 附桂兼山藥杞子地黃炙草聯杜仲山萸不  
可缺益火之源效莫先若然除草鹿膠入絲子當歸  
飲改圓

此益火之劑也凡命門陽衰陰勝者宜此方加減  
主之 此方與大補元煎出入互用如治陰盛格  
陽真寒假熱等證宜加澤瀉二錢煎成用涼水浸  
冷服之尤妙

熟地

枸杞

山藥

山茱萸

甘草

杜仲

肉桂

制附子

如氣虛血脫或厥或昏或汗或運或虛狂或短氣  
者必大加人參白朮隨宜用之 如火衰不能生  
土爲嘔噦吞酸者加炮薑 如陽衰中寒泄瀉腹  
痛加人參肉豆蔻隨宜用之 如小腹多痛者加  
吳茱萸 如淋帶不止加破故紙 如血少血滯  
腰膝軟痛者加當歸

於本方去甘草加鹿膠兎絲子當歸名右歸丸  
治元陽不足或先天稟衰或勞傷過度以致命門  
火衰不能生土而爲脾胃虛寒飲食少進或嘔惡

膨脹或翻胃噎隔或怯寒畏冷或臍腹多痛或大便不實瀉利頻作或小水自遺虛淋寒疝或寒侵谿谷而肢節痺痛或寒在下焦而水邪浮腫總之真陽不足者必神疲氣怯或心跳不寧或四體不收或眼見邪祟或陽衰無子等證俱速宜益火之原以培右腎之元陽而神氣自強矣此方主之如陽衰氣虛必加人參以爲之主隨人虛實以爲輕重蓋人參之功隨陽藥則入陽分隨陰藥則入陰分欲補命門之陽非加人參不能捷效如陽

虛精滑或帶濁便澹加補骨脂酒炒用 如痰泄  
腎泄不止加北五味子肉豆蔻麪炒去油用 如  
飲食減少或不易化或嘔惡吞酸皆脾胃虛寒之  
證加乾薑炒黃用 如腹痛不止加吳茱萸湯泡  
半日炒用 如腰膝酸痛加胡桃肉連皮用 如  
陰虛陽痿加巴戟肉肉苁蓉或加黃狗外腎一二  
付以酒煮爛搗入之

五福飲庸五種藥當歸熟地人參着還宜朮草互相  
需氣血皆虧五臟霍益以棗仁與遠志七福更治心

脾弱

凡五臟氣血虧損者五福能兼治之足稱王道之  
最

人參

熟地

當歸

白朮

炙甘草

凡治氣血俱虛等證以此爲主或宜溫者加薑附  
宜散者加升麻柴葛左右逢源無不可也

本方加棗仁遠志名七福飲 治氣血俱虛而心

脾爲甚者



一陰煎用生熟地芍藥麥冬甘草比再入丹參與牛  
膝水虧火勝稱神異

此治水虧火勝之劑故曰一陰凡腎水真陰虛損  
而脉證多陽虛火發熱及陰虛動血等證或瘧疾  
傷寒屢散之後取汗既多脉虛氣弱而煩渴不止  
潮熱不退者此以汗多傷陰水虧而然也皆宜用  
此方加減主之

生地

熟地

芍藥

麥冬

甘草

牛膝

丹參

如火盛躁煩者加入龜膠化服 如氣虛者間用  
人參 如心虛不眠多汗者加棗仁當歸 如汗  
多煩躁者加五味子或加山藥山茱萸 如見微  
火者加女貞子 如虛火上浮或吐血或衄血不  
止者加澤瀉茜根或加川續斷以瀝之亦妙  
加減一陰<sup>煎</sup>二地黃麥冬知母骨皮襄白芍炙草還  
宜入火之甚者服尤良

治證如前而火之甚者宜用此方

生地

芍藥

麥冬

熟地

炙甘草

知母

地骨皮

如躁煩熱甚便結者加石膏

如小水熱澀者加

梔子

如火浮於上者加澤瀉或黃芩

如血燥

血少者加當歸

二陰煎治心經熱生地棗仁甘草列連麥元參與茯  
苓木通嚮導方能泄

此治心經有熱水不制火之病故曰二陰凡驚狂  
失志多言多笑或瘍疹煩熱失血等證宜此主之

生地

麥冬

棗仁

生甘草

元參

茯苓

黃連

木通

引加梔心或竹葉亦可 如痰勝熱甚者加九制  
膽星或天花粉

三陰煎用人參草芍藥當歸熟地棗能治肝脾精血  
虧營虛失血皆堪保

此治肝脾虛損精血不足及營虛失血等病故曰  
三陰凡中風血不養筋及瘧疾汗多邪散而寒熱  
猶不能止是皆少陽厥陰陰虛少血之病微有火  
者宜一陰煎無火者宜此主之

當歸

棗仁

人參

熟地

芍藥

炙甘草

如嘔惡者加牛薢汗多煩躁者加五味子 汗多

氣虛者加黃芪 小腹隱痛加枸杞 如腰膝筋

骨無力加杜仲牛膝

四陰

煎

生地麥門冬百合沙參芍藥從甘草茯苓焉

可少清金保肺自從容

此保肺清金之劑故曰四陰治陰虛勞損相火熾

盛津枯煩渴欬嗽吐衄多熱等證

生地

麥冬

白芍

百合

沙參

茯苓

生甘草

如夜熱盜汗加地骨皮

如痰多氣盛加貝母阿

膠或天花粉亦可

如金水不能相滋而乾燥喘

嗽者加熟地

如多汗不眠神魂不寧加棗仁

如多汗兼渴加五味子

如熱甚者加黃柏鹽水

炒用或元參亦可但分上下用之

如血燥經遲

枯澁不至者加牛膝

如血熱吐衄加茜根

如

多火便燥或肺乾欬咯者加天門冬或加童便亦

可 如火載血上者去甘草加炒梔子

五陰煎用四君子藥芍地黃均可恃更兼扁豆補脾  
虛還需五味爲之使

凡真陰虧損脾虛失血等證或見溏泄未甚者所  
重在脾故曰五陰忌用潤滑宜此主之

熟地

山藥

扁豆

炙甘草

人參

白朮

芍藥

五味子

茯苓

加蓮肉去心二十粒

大營煎 杜仲 地黃 推牛膝 當歸 炙甘草 肉桂 更同起  
子入陰虛血少此方該

治真陰精血虧損及婦人經遲血少腰膝筋骨疼  
痛或氣血虛寒心腹疼痛等證

當歸

熟地

枸杞

炙甘草

杜仲

牛膝

肉桂

如寒滯在經氣血不能流通筋骨疼痛之甚者必  
加制附子方效 如帶濁腹痛者加故紙炒用  
如氣虛者加人參白朮 中氣虛寒嘔惡者加炒



焦乾薑

小營煎性味本和平山藥地黃杞子并白芍當歸同炙草補陰補血最堪烹

治血少陰虛此性味平和之方也

當歸

熟地

山藥

芍藥

枸杞

炙甘草

如營虛於上而爲驚恐怔忡不眠多汗者加棗仁  
茯神 如營虛兼寒者去芍藥加生薑 如氣滯  
有痛者加香附引而行之

補陰益氣煎

用歸身山藥人參炙草陳熟地升柴薑

數片陰虛外感效如神

此補中益氣湯之變方也治勞倦陰傷精不化氣  
或陰虛內乏以致外感不解寒熱痰痞陰虛便結  
不通等證凡屬陰氣不足而虛邪外侵者用此升  
散無不神效

人參

當歸

山藥

熟地

陳皮

炙草

升麻

柴胡

引加生薑

舉元煎內重升麻白朮人參補氣嘉甘草黃耆俱用  
炙氣虛下陷此方誇

治氣虛下陷血崩血脫亡陽垂危等證有不利於  
歸熟等劑而但宜補氣者以此主之

人參

黃芪

炙甘草

白朮

升麻

如兼陽氣虛寒者桂附乾薑隨宜佐用 如兼滑  
脫者加烏梅或文蛤

兩儀膏內用人參熟地倍增偏補陰桑火煎濃白蜜

景岳新方  
煉益精化氣此爲欽

治精氣大虧諸藥不應或以克伐太過耗損真陰  
凡虛在陽分而氣不化精者宜參朮膏若虛在陰  
分而精不化氣者莫妙於此其有未至大病而素  
覺陰虛者用以調元尤稱神妙

人參

大熟地 倍用

右二味用好甜水或長流水浸一宿以桑葉文武  
火煎取濃汁若味有未盡再用水煎粗取汁并藥  
稍濃乃入磁罐重湯熬成膏入真白蜜收之每以

白湯點服 若勞損欬嗽多痰加貝母亦可

貞元飲 熟地草當歸元海無根氣失依慎不可投痰

逆餌緣其脉必細而微

治氣短似喘呼吸促急提不能升嚥不能降氣道  
噎塞勢劇垂危者常人但知爲氣急其病在上而  
不知元海無根虧損肝腎此子午不交氣脫證也  
凡婦人血海常虧者最多此證宜急用此飲以濟  
之緩之敢云神劑凡診此證脉必微細無神若微  
而兼緊尤爲可畏倘庸衆不知妄云痰逆氣滯用

牛黃蘓合及青皮枳殼等劑則速其危矣

熟地

當歸

炙甘草

如兼嘔惡或惡寒者加煨薑 如氣虛脉微至極者急加人參隨宜 如肝腎陰虛手足厥冷加肉

桂

當歸地黃

飲

甘草炙山藥山萸不可易杜仲還宜牛

膝存腎虛腰膝疼痛皆釋

治腎虛腰膝疼痛等證

當歸

熟地

杜仲

炙甘草

牛膝 山藥 山茱萸

如下部虛寒加肉桂甚者仍加附子 如多帶濁

去牛膝加金櫻子或加故紙 如氣虛者加人參

枸杞

濟川煎 歸膝肉蓯蓉澤瀉升麻枳殼從虛體用之通

大便斯爲穩法妙無窮

凡病涉虛損而大便閉結不通則硝黃攻擊等劑  
必不可用若勢有不得不通者宜此主之此用通  
於補之劑也最妙最妙

當歸

牛膝

肉蓯蓉

澤瀉

升麻

枳殼

如氣虛者但加人參無碍

如有火加黃芩

如

腎虛加熟地

地黃醴內杞沉香燒酒浸之男婦皆益血益精功獨  
廣和營和衛效非常

治男婦精血不足營衛不充等患宜製此常用之

沉香

枸杞

大懷熟

右約每藥一斤可用高燒酒十斤浸之不必煮但



浸十日之外飲可用矣凡服此者不得過飲服完  
又加酒六七斤再浸半月仍可用

歸腎丸中熟地萸茯苓山藥更相需杞歸杜仲兔絲  
子陰弱陽衰遺泄驅

治腎水真陰不足精衰血少腰痠脚軟形容憔悴  
遺泄陽衰等證 此左歸右歸二丸之次者也

熟地 茯苓 山藥 山茱萸

當歸 枸杞 杜仲 兔絲子

煉蜜和熟地膏爲丸桐子大每服百餘丸饑時或

滾湯淡鹽湯送下

養化血餘丹參莫刪首烏歸地杞苓班鹿膠原與小  
茴合巴戟猶宜絲子扳杜仲胡桃皆要品萆薢久服  
固精關兼培氣血功非小黑髮烏鬚且悅顏

此藥大補氣血故能烏鬚髮壯形體其餘培元養  
育之功有不可盡述者

血餘

熟地

鹿角膠

兔絲子

枸杞

當歸

小茴香

白茯苓

杜仲

巴戟

肉萆薢

胡桃肉

人參 何首烏

煉蜜丸食前用白滾湯送下 精滑者加白朮山

藥 便溏者去茯苓加補骨脂酒炒用 陽虛者

加附子肉桂

養元粉 山藥及川椒炭實蓮心元米饒養胃實脾功

效廣白糖加入滾湯調

大能實脾養胃氣

糯米 山藥 芡實

蓮肉 川椒

爲末每日饑時以滾水一碗入白糖三匙化開入藥末一二兩調服之或加四君山查肉更妙

玄武荳中大小茴蓰蓉故紙共相陪羊腰杞子青鹽煮將汁收乾黑荳該

羊腰子

枸杞

補骨脂

大茴香

小茴香

青鹽

肉蓰蓉

大黑荳

用甜水二斗以砂鍋或鐵鍋煮前藥七味至半乾去藥渣入荳拌勻火煮乾爲度如有餘汁俱宜拌滲於內取出用新布攤晾曬乾磁瓶收貯日服之

其效無窮若陽虛者加制附子一二兩更妙

蟠桃果治遺精濁芡實蓮心膠棗肉倍用胡桃熟地黃補脾滋腎皆充足此方先用豬腰六摻八大茴蒸極熟去膜去筋藥拌勻搗成餅子空心服

治遺精虛弱補脾滋腎最佳

芡實 蓮肉 膠棗肉

熟地 胡桃肉

右以豬腰六個摻大茴香蒸極熟去筋膜同藥末搗成餅每日服二個食前用白滾湯或好酒

鍾送下此方凡人參制附子俱可隨意加用

王母桃惟地木多首烏巴戟杞相和丸如龍眼饑時  
嚼補腎培脾力不頗

白朮 大懷熟 何首烏

巴戟 枸杞子

右爲末煉蜜搗丸龍眼大每用三四丸饑時嚼服  
滾湯送下 或加人參其功尤大

休瘡 飲 何人歸朮草過多汗散培元好複煎用水配  
陰陽外露一宵溫服早

此止瘡最妙之劑也若汗散既多元氣不復或以  
衰老或以弱質而瘡有不能止者俱宜用此

人參

白朮

何首烏

當歸

炙甘草

水煎食遠服渣再煎或用陰陽水各一鍾煎一鍾  
粗亦如之俱露一宿次早溫服一鍾食遠再服一  
鍾如陽虛多寒宜溫中散寒者加乾薑肉桂之  
類甚者或加制附子如陰虛多熱煩渴喜冷宜  
滋陰清火者加麥冬生地芍藥甚者加知母或加

黃芩 如腎陰不足水不制火虛煩虛餒腰痠脚  
軟或脾虛痞悶者加熟地山藥枸杞杜仲之類以  
滋脾腎之真陰 如邪有未盡而留連難愈者於  
此方加柴胡麻黃細辛紫蘓之屬自無不可 如  
氣血多滯者或用酒水各一鍾煎服或服藥後飲  
酒數杯亦可

## 和陣

金水六君煎

煎

用二陳再加熟地與歸身能驅水泛爲



痰證肺腎虛寒效可臻

治肺腎虛寒水泛爲痰或年邁陰虛血氣不足外  
受風寒欬嗽嘔惡多痰喘急等證神效

當歸

熟地

陳皮

半夏

茯苓

炙甘草

引加生薑

如大便不實而多濕者去當歸加山

藥

如痰盛氣滯胸脇不快者少加白芥子如

陰寒盛而嗽不愈者少加細辛如兼表邪寒熱

者加柴胡

六安煎裡二陳藏芥子杏仁再入薑氣逆痰多誠可用風寒欬嗽亦能康

治風寒欬嗽及非風初感痰滯氣逆等證

陳皮

半夏

茯苓

甘草

杏仁

白芥子

引加生薑

凡外感風邪欬嗽而寒氣盛者多不

易散宜少加北細辛

若冬月嚴寒邪盛者加麻

黃桂枝亦可

若風勝而邪不甚者加防風或藕

葉亦可

若頭痛鼻塞者加川芎白芷蔓荊子皆

可 若兼寒熱者加柴胡蘓葉 若風邪欬嗽不止而兼肺胃之火者加黃芩甚者再加知母石膏所用生薑止宜一片 凡寒邪欬嗽痰不利者加當歸老年者尤宜若氣血不足者當以金水六君煎參用 凡非風初感痰勝而氣不順者加藿香兼脹滿者加厚朴暫開痰氣然後察其虛實寒熱而調補之若氣虛猝倒及氣平無痰者皆不可用此

和胃二陳煎足誇砂仁還與炮薑加胃寒嘔惡因痰

滯噎氣胸痺服此嘉

治胃寒生痰惡心嘔吐胸膈悶噎氣

乾薑

砂仁

陳皮

半夏

茯苓

甘草

苓朮二陳

煎

澤瀉薑和中利膈是良方痰凝水氣停

心下嘔吐吞酸盡可嘗

治痰飲水氣停畜心下嘔吐吞酸等證

豬苓

白朮

澤瀉

陳皮

半夏

茯苓

乾薑

炙甘草

如肝腎兼寒者加肉桂

和胃飲用陳皮朴乾薑炙草四般藥寒濕傷脾吐瀉  
良痰飲腹疼脹滿卻

治寒濕傷脾霍亂吐瀉及痰飲水氣胃脘不清嘔  
惡脹滿腹痛等證 此卽平胃散之變方也凡嘔  
吐等證多有胃氣虛者一聞蒼朮之氣亦能動嘔  
故以乾薑代之

陳皮 厚朴 乾薑 炙甘草

此方凡藿香木香丁香茯苓半夏扁豆砂仁澤瀉

之類皆可隨宜增用之若胸腹有滯而兼時氣寒熱者加柴胡

排氣飲惟食滯需陳皮厚朴木香烏藿香枳澤兼香附氣逆能平脹痛驅

治氣逆食滯脹痛等證

陳皮 木香 藿香 香附

枳殼 澤瀉 烏藥 厚朴

如食滯者加山查麥芽 如寒滯者加焦乾薑吳

茱萸肉桂之屬 如氣逆之甚者加白芥子沉香

青皮檳榔之屬 如嘔而兼痛者加半夏丁香之  
屬 如痛在小腹者加小茴香 如兼疝者加荔枝  
核煨熟搗碎用

大和中飲朴陳枳實砂仁瀉麥芽飲食停畱與積  
聚尋常諸品妙無涯

治飲食留滯積聚等證

陳皮

砂仁

麥芽

厚朴

枳實

山楂

澤瀉

脹甚者加白芥子胃寒無火或惡心者加炮乾薑

疼痛者加木香烏藥香附之類多痰者加半夏

小和中飲快胸中陳朴查苓甘草玄扁豆生薑方內  
集婦人胎氣治宜宗

治胸膈脹悶或婦人胎氣滯滿等證

陳皮 厚朴 茯苓 扁豆

甘草 山楂

引加生薑 如嘔者加半夏 如脹滿氣不順者

加砂仁 如火鬱於上者加焦梔子 如婦人氣

逆血滯者加紫蘇梗香附之屬 如寒滯不行者



加乾薑肉桂之屬

大分清飲用車前澤瀉二苓枳殼聯梔子木通通積  
熱疸黃溺血盡能痊

治積熱閉結小水不利或致腰腹下部極痛或濕  
熱下利黃疸溺血邪熱畜血腹痛淋閉等證

茯苓

猪苓

梔子

枳殼

澤瀉

木通

車前子

如內熱甚者加黃芩黃柏龍膽草之屬 加大便  
堅鞭脹滿者加大黃 如黃疸小水不利熱甚者

加茵陳 如邪熱畜血腹痛者加紅花青皮

小分清飲 茯苓枳朴薏仁澤瀉 停小便不通兼濕腫不能受補此方寧

治小水不利濕滯腫脹不能受補等證

茯苓 薏仁 枳殼 厚朴

澤瀉 猪苓

如陰虛水不能達者加生地牛膝 如黃疸者加

茵陳 如無內熱而寒滯不行者加肉桂

解肝煎治怒傷肝氣逆能平脹滿寬半夏陳皮蘊葉

朴砂仁芍藥茯苓攢

治暴怒傷肝氣逆脹滿陰滯等證如兼肝火者宜用化肝煎

陳皮

半夏

厚朴

茯苓

蘓葉

芍藥

砂仁

引加生薑

如脇肋脹痛加白芥子

如胸膈氣

滯加枳殼香附藿香之屬

二水煎陳草朴苓乾薑澤芍木香停氣泄濕泄均堪

治脾弱肝強用此靈

治肝強脾弱氣泄濕泄等證

白朮

蒼朮

茯苓

炙甘草

芍藥

陳皮

厚朴

木香

乾薑

澤瀉

廓清飲用芥陳朴枳瀉茯苓同大腹荀子生研壅滯  
通氣逆腫脹差堪服

治三焦壅滯胸膈脹滿氣道不清小水不利年力  
未衰通身腫脹或肚腹單脹氣實非水等證

枳殼

厚朴

陳皮

大腹皮

澤瀉 茯苓 白芥子 蘿蔔子

如內熱多火小水熱數者加梔子木通 如身黃  
小水不利者加茵陳 如小腹脹滿大便堅實不  
通者加生大黃 如肝滯脇痛者加青皮 如氣  
滯胸腹疼痛者加烏藥香附 如食滯者加山楂  
麥芽

掃虫煎 烏藥草烏梅樞肉吳板青小茴研細雄硃和  
少沸虫攻腹痛得懷開

治諸虫上攻胸腹作痛

青皮

烏藥

枳殼

小茴香

烏梅

甘草

細樗肉

吳茱萸

硃砂

研

雄黃

研

右將前八味煎好去渣隨入後三味再煎三四沸攪勻徐徐服之

如惡心作吐加炒乾薑

或先啖牛肉脯少許俟

一茶頃頓服之更妙

十香丸用皂烏澤沉木丁香茴香荔枝陳皮香附酒爲丸氣滯寒停諸痛釋

治氣滯寒滯諸痛

木香

沉香

陳皮

烏藥

丁香

澤瀉

香附

小茴香

荔枝

皂角

爲末酒糊丸湯飲下

癰疽之屬溫酒下

芍藥枳朮

丸

再加陳荷葉煮粥糊丸吞脾胃不和食

積痞小兒脹滿腹常疼

治食積痞滿及小兒腹大脹滿時常疼痛脾胃不和等證 此方較之枳朮丸其效如神

白朮

赤芍

枳實

陳皮

荷葉湯煮黃老米粥爲丸桐子大米飲或滾白湯  
下百餘丸 如臟寒加乾薑炒黃用 如脾胃氣  
虛加入參

蒼朮丸中芍芍收草茴故紙朴椒投脾經寒濕常帶  
瀉元米糊丸服自瘳

治寒濕在脾泄瀉久不能愈者

雲苓

白芍

炙甘草

小茴香

川椒

厚朴

真茅朮

破故紙



爲末糯米糊丸桐子大每食遠清湯下七八十九  
括痰丸裡夏陳薑炙草猪苓白芥襄積飲停痰胸脇  
脹吞酸疼痛餌皆良

治一切停痰積飲吞酸嘔酸胸脇脹悶疼痛等證

半夏

陳皮

猪苓

炙甘草

乾薑

白芥子

右爲末湯浸蒸餅爲丸綠豆大每服一錢許滾白  
湯送下 如胸脇疼痛者加台烏藥

貝母丸惟一品超清金止嗽熱痰消肺癰肺痿皆堪

治煉蜜丸吞功獨饒

消痰熱潤肺止咳或肺癰肺痿乃治標之妙劑貝  
母一兩爲未用沙糖或蜜和丸龍眼大或噙化或  
嚼服 若欲劫止久嗽每貝母一兩宜加百藥煎  
蓬砂天竺黃各一錢佐之尤妙如無百藥煎卽醋  
炒文蛤一錢亦可或栗殼亦可酌用 若治肺癰  
宜加白礬一錢同貝母丸服最妙

神香散

白蔻共丁香胸脇胃中逆氣張嘔噦脹疼與

隔噎清湯調下卽無妨

治胸脇胃脘逆氣難解疼痛嘔噦脹滿痰飲膈噎  
諸藥不效者惟此最妙

丁香 白芫荑

二味等分爲末清湯調下五七分甚者一錢日數  
服不拘 若寒氣作痛者薑湯送下

## 攻陣

吐法首於攻陣呈搗研藟子用宜生溫湯和攪徐徐  
飲上越還能使下行

此方可代瓜蒂三聖散之屬凡邪實上焦或痰或食或氣逆不通等證皆可以此吐之

用蘿蔔子搗碎以溫湯和攪取淡湯徐徐飲之少頃卽當吐出卽有吐不盡者亦必從下行矣

赤金荳用皂巴霜生附丁香與木香天竺辰砂輕粉合血凝氣滯積堪嘗

治諸積不行凡血凝氣滯疼痛腫脹虫積結聚癥堅宜此主之此丸去病捷速較之硝黃稜莪之類過傷臟氣者大爲勝之

巴霜

輕粉

生附子

丁香

皂角

木香

天竺黃

硃砂

右爲末醋浸蒸餅爲丸蘿蔔子大硃砂爲衣欲漸  
去者每服五七丸欲驟行者每服一二十丸用滾  
水或煎藥或薑醋茶蜜茴香史君煎湯爲引送下  
若利多不止可飲冷水一二口卽止蓋此藥得熱  
則行得冷則止也 如治氣濕實滯鼓脹先用紅  
棗煮熟取肉一錢許隨用七八丸甚者一二十丸  
同棗肉研爛以熱燒酒加白糖少許送下 如治

蟲痛亦用棗肉加服止用清湯送下

太平丸 蓬朮芥三稜朴瀉薑陳牙皂枙烏藥木香巴  
草蔻積停脹滿總堪憑

治胸腹疼痛脹滿及食積氣積血積氣痙血痙邪  
實秘滯痛劇等證 此方借些微巴豆以行群藥  
之力去滯最妙如欲其峻須用巴豆二錢

陳皮 厚朴 木香 烏藥

三稜 蓬朮 乾薑 白芥子

牙皂 澤瀉 草豆蔻

巴豆 用漆湯泡去皮心膜稱足一錢用水一碗微火煮至半碗將巴豆撈起用乳鉢研極細仍將前湯攪入研勻然後量藥多寡入蒸餅浸爛搗前藥丸如綠豆大每用三分或五分甚者一錢

右隨證用湯引送下 凡傷食停滯卽以本物湯下 婦人血氣痛紅花湯或當歸湯下 氣痛陳皮湯 疝氣茴香湯 寒氣生薑湯 欲瀉者用熟薑湯送下一錢 未利再服 利多不止用冷

水一二口卽止

敦阜丸 麥芽烏藥青巴霜牙皂木香丁香山查陳瀉蒜  
頭汁蒸餅糊丸下積停

治堅頑食積停滯腸胃痛劇不行等證

木香

山查

麥芽

皂角

烏藥

丁香

青皮

陳皮

澤瀉

巴霜

右共爲末用生蒜頭一兩研爛加熱水取汁浸蒸  
餅搗丸綠豆大每服二三十九丸隨便用湯引送下



如未愈徐徐漸加用之

獵虫丸 樵肉共雄黃輕粉燕桃乾漆榔皂角史君雷  
錫等瘦黃脹痛百虫妨

治諸虫積脹痛黃瘦等病

燕黃

雷丸

桃仁

史君子

雄黃

錫灰

棋榔

細樵肉

輕粉

皂角

乾漆

湯浸蒸餅爲丸紅豆大每服五七分滾白湯下陸  
續服之如虫積堅固者加巴豆霜與輕粉同

百順丸 大黃牙皂角丸吞通秘方超卓陽邪積滯頓  
消除諸積還教如洗濯

治一切陽邪積滯凡氣積血積蟲積食積傷寒實  
熱秘結等證但各爲湯引隨宜送下無往不利

川大黃 牙皂角

右爲末用湯浸蒸餅搗丸綠豆大每用五分或一  
錢或二三錢酌宜用引送下或用蜜爲丸亦可

散陣

一柴胡飲從寒散地芍黃芩陳草贊內有水而外有邪四時不正皆能判

一爲水數從寒散也 凡感四時不正之氣或爲發熱或爲寒熱或因勞因怒或婦人熱入血室或產後經後因冒風寒以致寒熱如瘧等證但外有邪而內兼火者須從涼散宜此主之

柴胡

黃芩

芍藥

生地

陳皮

甘草

如內熱甚者加連翹

如外邪甚者加防風佐之

如邪結在胸而痞滿者去生地加枳實 如熱在陽明而兼渴者加天花粉或葛根熱甚者加知母石膏亦可

二柴胡飲散從溫厚朴細辛陳夏存甘草生薑解外感本無內熱此爲珍

二爲火數從溫散也 凡遇四時外感或其人元氣充實臟氣素平無火或時逢寒勝之令本無內熱等證者皆不宜妄用涼藥以致寒滯不散則爲害非淺宜此主之

陳皮

半夏

柴胡

厚朴

生薑

細辛

甘草

如邪虛者可加羌活白芷紫蘇防風之屬擇而用之  
如頭痛不止者加川芎  
如多濕者加蒼朮  
如陰寒氣勝者必加麻黃或兼桂枝不必疑也  
三柴胡飲三爲木歸芍陳薑炙草六素稟陰虛感外  
因肝經血少咸宜服

三爲木數從肝經血分也  
凡人素稟陰分不足  
或肝經血少而偶感風寒者或感邪不深可兼補

而散者或病後產後感冒有不得不從解散而血  
氣虛弱不能外達者宜此主之

柴胡

芍藥

陳皮

炙甘草

生薑

當歸

如微寒欬嘔者加半夏

四柴胡飲四爲金薑草當歸須用參加入陳皮寬隔  
滯氣虛外感此方任

四爲金數從氣分也

凡人元氣不足或忍饑勞

倦而外感風寒或六脉緊數微細正不勝邪等證

必須培助元氣兼之解散庶可保全宜此主之若  
但知散邪不顧根本未有不元氣先敗者察之慎  
之

柴胡

人參

生薑

當歸

炙甘草

如胸膈滯悶者加陳皮

五柴胡飲從脾胃地芍歸陳木草彙徒散外邪非所  
直兼培氣血斯爲貴

五爲土數從脾胃也

脾土爲五臟之本凡中氣

不足而外邪有不散者非此不可此與四柴胡飲  
相表裏但四柴胡飲止調氣分此則兼培氣血以  
逐寒邪尤切於時用者也神效不可盡述凡傷寒  
瘧疾痘瘡皆所宜用

柴胡

當歸

熟地

白朮

芍藥

陳皮

炙甘草

寒勝無火者減芍藥加生薑或泡乾薑或再加桂  
枝更妙 脾滯者減白朮 氣虛者加人參隨宜  
腰痛者加杜仲 頭痛者加川芎 勞倦傷脾陽



虛者加升麻

正柴胡飲為陳防甘草生薑治瘧良外感風寒頭體痛惡寒發熱總堪嘗

凡外感風寒發熱惡寒頭疼身痛痰瘧初起等證凡血氣平和宜從平散者此方主之

柴胡

防風

陳皮

芍藥

甘草

生薑

如頭痛者加川芎

如熱而兼渴者加葛根

如

嘔惡者加半夏

如濕勝者加蒼朮

如胸腹有

微滯者加厚朴 如寒氣勝而邪不易解者加麻  
黃去浮沫服之或蘓葉亦可

麻桂飲中歸草陳加薑煎服汗津津傷寒瘟疫與陰  
暑陰勝邪留寒谷春

治傷寒瘟疫陰暑瘧疾凡陰寒氣勝而邪有不能  
散者非此不可無論諸經四季凡有是證卽宜是  
藥勿謂夏月不可用也不必厚葢但取津津微汗  
透徹爲度此實麻黃桂枝二湯之變方而其神效  
則大有超出二方者不可不爲細察

官桂

當歸

陳皮

炙甘草

麻黃

引加生薑 若陰氣不足者加熟地黃 若三陽  
併病者加柴胡 若元氣大虛陰邪難解者當以  
大溫中飲更迭爲用

太溫中飲桂麻柴薑草歸參地朮偕寒疫暑邪身發  
熱陽虛溫托始爲佳

凡患陽虛傷寒及一切四時勞倦寒疫陰暑之氣  
身雖熾熱時猶畏寒卽在夏月亦欲衣被覆蓋或

喜熱湯或兼嘔惡泄瀉但六脉無力肩背怯寒邪  
氣不能外達等證此元陽大虛正不勝邪之候若  
非峻補托散則寒邪日深必致不救溫中自可散  
寒卽此方也服後畏寒悉除覺有躁熱乃陽回作  
汗佳兆不可疑之畏之 此外凡以素稟薄弱之  
輩或感陰邪時疫發熱困倦雖未見如前陰證而  
熱邪未甚者但於初感時卽速進此飲連二三服  
無不隨藥隨愈真神劑也 此方宜與理陰煎麻  
桂飲相參用

熟地

人參

肉桂

冬白朮

當歸

柴胡

麻黃

炙甘草

乾薑

如氣虛加黃芪 如寒甚陽虛者加製附子 頭

痛加川芎或白芷細辛 陽虛氣陷加升麻 如

肚腹泄瀉宜少減柴胡加防風細辛亦可

柴陳煎劑性溫純半夏薑苓甘草因欬嗽風寒發熱

證多痰痞滿效如神

治傷風兼寒欬發熱痞滿多痰等證

柴胡

陳皮

半夏

茯苓

甘草

生薑

如寒勝者加細辛

如風勝氣滯者加蘓葉

冬

月寒甚者加麻黃

氣逆多嗽者加杏仁

痞滿

氣滯者加白芥子

柴芩煎用黑山梔枳殼水通澤瀉施外熱內蒸煩渴  
痢發黃並與此方宜

治傷寒表邪未解外內俱熱瀉痢煩渴喜冷氣壯  
脈滑數者宜此主之及瘧痢並行內熱去血兼表

邪發黃等證

柴胡

梔子

澤瀉

枳殼

黃芩

木通

如瘧痢並行鮮血純血者加芍藥甘草 如濕勝

氣陷者加防風

柴苓飲用五苓全風濕發黃發熱兼脉緊身疼表未  
解中寒泄瀉服之痊

治風濕發黃發熱身痛脉緊表裡俱病小水不利  
中寒泄瀉等證

柴胡

猪苓

茯苓

澤瀉

肉桂

白朮

如寒邪勝者加生薑

如汗出熱不退者加芍藥

柴胡白虎

煎

石膏芩甘草麥冬竹葉心表證未除能

散解陽明溫熱不傷陰

治陽明溫熱表邪不解等證

柴胡

黃芩

石膏

麥冬

細甘草

引加竹葉二十片



歸葛飲須冷水浸陽明溫暑時邪甚陰虛無汗渴而煩服此汗流功獨任

治陽明溫暑時證大熱大渴津液枯涸陰虛不能作汗等證

當歸

乾葛

以冷水浸涼徐徐服之得汗卽解

走馬通聖散

秘傳方雄黃炙草與麻黃傷寒初感陰

邪甚倉卒宜投特質強

治傷寒陰邪初感等證此方宜用於倉卒之時

其有質強而寒甚者俱可用

麻黃 雄黃 炙甘草

右爲細末每服一錢熱酒下卽汗 或加川芎

柴葛煎惟瘟疫宜養陰散毒效堪期連翹芍藥兼苓  
草表裡熱兮用勿疑

治瘟疫表裡俱熱散毒養陰及痘疹等證

柴胡 乾葛 芍藥 黃芩

甘草 連翹

歸柴飲用炙甘草作汗無由因血槁宜散風寒非善  
全養營求汗斯方好

治營虛不能作汗及指陰不足外感寒邪難解者  
此神方也 如大便多澀者以白朮代當歸亦佳

當歸

柴胡

炙甘草

或加生薑

或加陳皮

或加人參

# 寒陣

保陰煎

二地兼山藥川斷草芩黃栢芍脉滑熱多帶

濁直崩淋便血俱堪卻

治男婦帶濁遺淋色赤帶血脉滑多熱便血不止

保陰煎

姜

寒陣

及血崩血淋或經期太早凡一切陰虛內熱動血等證

生地

熟地

芍藥

川續斷

山藥

黃芩

黃柏

生甘草

如小水多熱或兼怒火動血者加焦梔子 如夜

熱身熱加地骨皮 如肺熱多汗者加麥冬棗仁

如血熱甚者加黃連 如血虛血滯筋骨腫痛

者加當歸 如氣滯而痛去熟地加陳皮青皮丹

皮香附之屬 如血脫血滑及便血久不止者加

地榆或烏梅或百藥煎或文蛤亦可 如少年或  
血氣正盛者不必用熟地山藥 如肢節筋骨疼  
痛或腫者加秦艽丹皮

抽薪飲斛栝梔芩枳澤木通甘草臨火熾宜清不可  
補內蒸冷服效尤深

治諸凡火熾盛而不宜補者

黃芩

石斛

木通

梔子

黃柏

枳殼

澤瀉

細甘草

水煎食遠溫服內熱甚者冷服更佳

如熱在經

絡肌膚者加連翹天花粉以解之 如熱在血分

大小腸者加槐蕊黃連以清之 熱在陽明頭面

或躁煩便實者加生石膏以降之 熱在下焦小

水痛澀者加龍膽草車前以利之 熱在陰分津

液不足者加門冬生地芍藥之類以滋之 熱在

腸胃實結者加大黃芒硝以通之

徒薪飲治三焦火黃柏丹皮芩麥可芍藥陳苓同入

煎內熱未甚服之妥

治三焦凡火一切內熱漸覺而未甚者先宜清以

此劑其甚者宜抽薪飲

陳皮

黃芩

芍藥

麥冬

黃柏

茯苓

丹皮

如多鬱氣逆傷肝脇肋疼痛或致動血者加青皮  
梔子

大分清飲用車前澤茯梔通豬枳聯熟積使癰腰腹  
痛疸黃溺血總能痊

治積熱閉結小水不利或致腰腹下部極痛或濕  
熱下利疸黃溺血邪熱畜血腹痛淋閉等證

茯苓

澤瀉

木通

猪苓

梔子

枳殼

市則子

如內熱甚者加黃芩黃柏龍胆草之屬

加大便

堅鞭脹滿者加大黃

如黃疸小水不利熱甚者

加茵陳

如邪熱畜血腹痛者加紅花青皮

清流飲

地芍草芩連枳殼澤苓歸共煎發熱陰虛多

瀉痢便紅淋痛悉能捐

治陰虛挾熱瀉痢或發熱或喜冷或下純紅鮮血

或小便痛赤等證



生地

茯苓

澤瀉

黃芩

芍藥

當歸

甘草

黃連

枳殼

如熱甚者加黃柏

小水熱痛者加梔子

化陰煎

二地兼知柏龍胆猪苓綠豆澤牛膝車前淋

濁蠲水虧火盛閉癰釋

治水虧陰涸陽火有餘小便癰閉淋濁疼痛等證

生地黃

熟地黃

牛膝

猪苓

生黃柏

生知母

澤瀉

綠豆

龍膽草 車前子

若水虧居多而陰氣大有不足者可遞加熟地卽  
用至一二兩亦可

茵陳飲內用青皮澤草菊花同黑梔挾熱而兼瀉與  
痢疸黃溺濕總相宜

治挾熱泄瀉熱痢口渴喜冷小水不利黃疸濕熱  
閉澀等證

茵陳 澤瀉 青皮 焦梔子

甘草 甘菊花

清膈煎

貝陳芥木通膽星海石六般同痰因火動氣

衝滿內熱渴煩功獨崇

治痰因火動氣壅喘滿內熱煩渴等證

陳皮

貝母

膽星

海石

木通

白芥子

如火盛痰不降者加童便

如渴甚者加天花粉

如熱及下焦小水不利者加梔子

如熱在上

焦頭面紅赤煩渴喜冷者加生石膏

如痰火上

壅而小水不利者加澤瀉

如痰火閉結大便不

通而兼脹滿者加大黃或朴硝酌宜用之

化肝煎 芍藥青陳皮梔澤丹皮土貝奇怒氣傷肝兼動血脇疼脹滿服之宜

治怒氣傷肝因而氣逆動火致爲煩熱脇痛脹滿動血等證

青皮

陳皮

丹皮

芍藥

梔子

澤瀉

土貝母

如大便下血者加地榆小便下血者加木通如兼寒熱加柴胡如火盛加黃芩如脇腹脹痛

加白芥子 脹滯多者勿用芍藥

安胃 飲 陳皮同麥芽木通芍藥澤山查上衝胃火誠

堪泄呃逆不平自可差

治胃火上衝呃逆不止

陳皮 山查 麥芽 木通

澤瀉 黃芩 石斛

如胃火熱甚脉滑實者加石膏

玉女煎方熟地膝麥冬知母石膏集水虧火盛脉浮  
洪煩熱渴乾徵效必頭痛牙疼失血除少陰不足陽

明實若然大便泄而澹此劑非宜臨證悉

治水虧火盛六脉浮洪滑大少陰不足陽明有餘  
煩熱乾渴頭痛牙疼失血等證如神若大便澹泄  
者乃非所宜

生石膏

熟地

麥冬

知母

牛膝

如火之盛極者加梔子地骨皮之屬 如多汗多  
渴者加北五味 如小水不利或火不能降者加  
澤瀉或茯苓亦可 如金水俱虧因精損氣者加

人參尤妙

太清飲用通知母石斛石膏相配偶胃熱狂斑嘔吐  
煩肅清其火斯無咎

治胃火煩熱狂斑嘔吐等證可與白虎湯酌用

知母

石斛

木通

石膏

或加麥門冬

綠豆飲能解熱毒勞蒸諸火俱堪逐除煩止渴悉伊  
功和蜜或鹽隨所欲

凡熱毒勞熱諸火熱極不能退者用此最妙

用綠豆不拘多寡寬湯煮糜爛入鹽少許或蜜亦可待冰冷或厚或稀或湯任意飲食之日三四次不拘此物性非苦寒不傷脾氣且善於解毒除煩退熱止渴大利小水乃錢易中之最佳最捷者也玉泉散治陽明熱甘草石膏無別物煩渴頭疼便秘除斑黃瘟疫熱痰泄

亦名一六甘露散 治陽明內熱煩渴頭痛二便閉結溫疫斑黃及熱痰喘嗽等證 此益元散之變方也其功倍之



生石膏 粉甘草

石爲細末每服二三錢新汲水或熱湯或人參湯調下 若加硃砂亦妙

雪梨漿 味美氣清香切片甘泉水浸良解熱除煩陰火退生津止渴飲其漿

解煩熱退陰火此生津止渴之妙劑也

用清香甘美大梨削去皮別用大碗盛清冷甘泉將梨薄切浸於水中少頃水必甘美但頻飲其水勿食其粗退陰火極速也

滋陰八味丸非別六味更加知柏合火盛陰虛濕熱  
兼變丸亦可作湯液

治陰虛火盛下焦濕熱等證 此方變丸爲湯卽  
名滋陰八味煎

山藥 丹皮 熟地 白茯苓

澤瀉 山茱萸 知母 黃柏

煉蜜搗丸桐子大或空心或午前用滾白湯或淡  
鹽湯送下百餘丸

約陰丸 歸地芍丹參苓朮地榆續斷萆白石脂須兼

五味先期經水便紅淋

治婦人血海有熱經脉先期或過多者或兼腎火而帶濁不止及男婦大腸血熱便紅等證

當歸

白朮

生地

白石脂

茯苓

地榆

黃芩

北五味

芍藥

丹參

川續斷

右爲末煉蜜丸

火甚者倍用黃芩

兼肝腎之

火甚者仍加知母黃柏

大腸血熱便紅者加黃

連防風

服蠶煎是入心肝地麥菖蒲芍牡丹知母木通陳斛  
茯苓開氣化自神安

此方性味極輕極清善入心肝二臟行滯氣開鬱  
結通神明養正除邪大有奇妙

生地

麥冬

芍藥

石菖蒲

石斛

茯神

丹皮

陳皮

木通

知母

如痰勝多鬱者加貝母

痰盛兼火者加膽星

陽明火盛內熱狂叫者加石膏

便結脹滿多熱

者加玄明粉 調服或暫加大黃亦可 氣虛神困者加人參

約營煎 芍草地榆梅續斷槐花荊芥灰生地黃芩清血熱便紅無論自何來

治血熱便血無論脾胃大小腸膀胱等證宜用此

生地 芍藥 甘草 續斷

地榆 黃芩 槐花 荊芥穗

烏梅

如下焦火盛者可加梔子黃連龍膽草之屬 如

氣虛者加人參白朮 加氣陷者加升麻防風

## 熱陣

四味回陽

飲

用理中以朮易附力加雄元陽虛脫垂

危頃溫服徐徐定有功

治元陽虛脫危在頃刻者

人參

製附子

炙甘草

炮乾薑

武火煎溫服徐徐飲之

六味回陽飲又增地歸薑附草人參諸虛劇甚陰陽

脫此劑扶危力可任

治陰陽將脫等證

人參 製附子 炮乾薑 炙甘草

熟地 歸身

如肉振汗多者加炙黃芪或冬白朮 如泄瀉者

加烏梅或北五味亦可 如虛陽上浮者加茯苓

如肝經鬱滯者加肉桂

理陰煎 歸地 草乾薑 此治真陰虛弱方痰飲惡心陰

噤喉腹疼脹滿忌寒涼婦人血滯經遲妙倦客邪侵

溫托良或補命門加附子陽衰添桂信堪贊

此理中湯之變方也 凡脾腎中虛等證宜剛燥

者當用理中六君之類宜溫潤者當用理陰大營  
之類欲知調補當先察此 此方專治真陰虛弱

脹滿嘔噦痰飲惡心吐瀉腹痛婦人經遲血滯等

證 又凡真陰不足或素多勞倦之輩因而忽感

寒邪不能解散或發熱或頭身疼痛或面赤舌焦

或雖渴而不喜冷飲或背心肢體畏寒但脉見無

力者悉是假熱之證若用寒涼攻之必死宜速用



此湯照後加減以溫補陰分托散表邪連進數服  
使陰氣漸充則汗從陰達而寒邪不攻自散此最  
切於時用者也神效不可盡述

熟地

當歸

乾薑

炙甘草

或加桂肉

此方加附子卽名附子理陰煎再加人參卽名六  
味回陽飲治命門火衰陰中無陽等證 若風寒  
外感邪未深入但見發熱身痛脉數不洪凡內無  
火證素稟不足者但用此湯加柴胡連進一二服

其效如神若寒凝陰盛而邪有難解者必加麻黃  
放心用之或不用柴胡亦可恐其清利也此寒邪  
初感溫散第一方惟仲景獨知此義但仲景之溫  
散首用麻黃桂枝二湯余之溫散卽以理陰煎及  
大溫中飲爲增減此雖一從陽分二從陰分其跡  
若異然一逐於外一托於內而用溫則一也學者  
當因所宜酌而用之 若陰勝之時外感寒邪麻  
細惡寒或背畏寒者乃太陽少陰證也加細辛甚  
者再加附子真神劑也或并加柴胡以助之亦可

若陰虛火盛其有內熱不宜用溫而氣血俱虛不能解者宜去薑桂單以三味加減與之或止加人參亦可 若治脾腎兩虛水泛爲痰或嘔或脹者於前方加茯苓或加白芥子以行之 若泄瀉不止及腎泄者少用當歸或并去之加山藥扁豆吳茱萸破故肉豆蔻附子之屬 若腰腹有痛加杜仲枸杞 若腹有脹滯疼痛加陳皮木香砂仁之屬

養中煎用草人參山藥乾薑扁豆苓中氣虛寒爲嘔

泄瀉中補氣此方珍

治中氣虛寒爲嘔爲泄者

人參 山藥 炙甘草 白扁豆

茯苓 乾薑

如噯腐氣滯者加陳皮或砂仁 如胃中空虛覺

餒者加熟地

溫胃 飲 中寒食少思吞酸嘔吐瀉兼資參歸扁朮薑  
陳草胎氣不安臟冷宜

治中寒嘔吐吞酸泄瀉不思飲食及婦人臟寒嘔

惡胎氣不安等證

人參

白朮

陳皮

乾薑

當歸

扁豆

炙乾草

如下寒帶濁者加破故紙 如氣滯或兼胸腹痛

者加藿香丁香木香白豆蔻砂仁白芥子之屬

如兼外邪及肝腎之病者加桂枝肉桂甚者加柴

胡 如脾氣陷而身熱者加升麻 如水泛爲痰

而胸腹痞滿者加茯苓 如脾胃虛極大嘔大吐

不能止者倍用參朮仍用胡椒二三分煎熟徐徐

服之

五君子煎用四君薑脾胃虛寒致有殃嘔吐濕因兼泄瀉煎來溫服正相當

治脾胃虛寒嘔吐泄瀉而兼濕者

人參

白朮

茯苓

炙甘草

乾薑

六味異功煎卽五君加陳利氣更堪云虛寒有濕兼

微滯嘔泄不寧定解紛

卽前方加陳皮

治證同前而兼微滯者

參薑飲內草須炙肺胃脾虛寒致疾氣短嗽頻嘔吐  
痊小兒吐乳亦能釋

治脾肺胃氣虛寒嘔吐欬嗽氣短小兒吐乳等證

人參 乾薑 炙甘草

此方或陳皮或革撥或茯苓皆可酌而佐之

胃關煎 山藥木焦薑扁豆吳萸草薹地黃脾腎虛寒泄

瀉甚腹疼冷痢並能療

治脾腎虛寒作瀉或甚至久瀉腹痛不止冷痢等

證

熟地 白扁豆 炙甘草 白朮

山藥 焦乾薑 吳茱萸

瀉甚者加肉豆蔻麪炒用或破故紙亦可 氣虛  
勢甚者加人參 陽虛下脫不固者加製附子

腹痛甚者加木香或加厚朴滯痛不通者加當歸  
滑脫不禁者加烏梅或北五味子 若肝邪侮

脾者加肉桂

佐關煎 山藥瀉猶若扁豆草薑桂朴陳生冷傷脾初

瀉痢腎元未損此方珍



治生冷傷脾瀉痢未久腎氣未損者宜用此湯以去寒濕安脾胃此胃關煎之佐者也

厚朴

陳皮

山藥

炙甘草

扁豆

猪苓

澤瀉

乾薑

肉桂

如腹痛甚者加水香或吳茱萸亦可如瀉痢不止者或破故紙或肉豆蔻皆可加用

抑扶煎陳草猪苓澤烏藥吳萸薑朴合不但陰寒嘔惡除且宜生冷痢而泄

治氣冷陰寒或暴傷生冷致成瀉痢凡初起血氣未衰脾腎未敗或脹痛或嘔惡皆宜先用此湯此胃關煎表裏藥也宜察虛實用之其有寒濕傷臟霍亂邪實者最宜用此

厚朴

陳皮

烏藥

炙甘草

澤瀉

猪苓

乾薑

吳茱萸

如氣滯痛甚者加水香或砂仁亦可 如血虛多痛者加當歸 如寒濕勝者加蒼朮

四維散治痢無休脾腎虛寒滑脫瘳參附烏梅薑炙

草二陰血脫并堪投

治脾腎虛寒滑脫之甚或泄痢不能止或氣虛下陷二陰血脫不能禁者無出此方之右

人參

製附子

乾薑

炙甘草

烏梅肉

右爲末和勻用水拌濕蒸一飯頃取起烘乾再爲末每服一二錢溫湯調下

鎮陰

煎

地草瀉牛膝附桂兼收導火捷此治陰虛致

絡陽血隨而溢脉細脫

治陰虛於下格陽於上則真陽失守血隨而溢以致大吐大衄六脉細脫手足厥冷危在頃刻而血不能止者速宜用此使孤陽有歸則血自安也如治格陽喉痺上熱者當以此湯冷服

熟地

牛膝

澤瀉

炙甘草

肉桂

製附子

如兼嘔惡者加乾薑炒黃用

如氣脫倦言而脉

弱極者宜速速多加人參

歸氣飲中熟地先乾薑扁豆茯苓聯丁陳藿草平哂

逆脾腎寒侵嘔吐痊

治氣逆不順呃逆嘔吐或寒中脾腎等證

熟地

茯苓

扁豆

乾薑

丁香

藿香

陳皮

炙甘草

中氣寒甚者加製附子

肝腎寒者加吳茱萸肉

桂或加當歸

煖肝

煎

歸杞小茴停烏藥沉香桂茯苓肝腎陰寒少

腹痛小腸疝氣服之靈

治肝腎陰寒小腹疼痛疝氣等證

當歸

枸杞

茯苓

小茴香

肉桂

烏藥

沉香

引加生薑

如寒甚者加吳茱萸乾薑再甚者加

附子

壽脾

煎

又號攝營煎遠志參歸棗建蓮山藥乾薑同

木草脾虛脫血此方賢

治脾虛不能攝血等證凡憂思鬱怒積勞及誤用  
攻伐等藥犯損脾陰以致中氣虧陷神魂不寧大  
便脫血不止或婦人無火崩淋等證凡兼嘔惡尤

爲危候速宜用此單救脾氣則統攝固而血自歸源此歸脾湯之變方其效如神若犯此證而再用寒涼則胃氣必脫無不卽斃者

白朮

當歸

山藥

炙甘草

棗仁

遠志

乾薑

蓮肉

人參

如血未止加烏梅片畏酸者不可用或加地榆亦可滑脫不禁者加醋炒文蛤下焦虛滑不禁加鹿角霜爲末攪入藥中服之氣虛甚者加炙黃芪

氣陷而墜者加升麻或白芷亦可 兼溏泄者

加補骨脂炒用 陽虛畏寒者加製附子 血去

過多陰虛氣餒心跳不寧加熟地七八錢或一二  
兩

三氣飲中仲細辛杞苓地膝芍歸身桂心白芷附甘  
草善治風寒濕若神

治血氣虧損風寒濕三氣乘虛內侵筋骨歷節痺  
痛之極及痢後鶴膝風痛等證

當歸

枸杞

杜仲

熟地



牛膝

茯苓

肉桂

北細辛

白芷

附子

芍藥

炙甘草

引加生薑

如氣虛者加人參白朮

風寒勝者

加麻黃

此飲亦可浸酒大約每藥一斤可用燒

酒六七升浸十餘日徐徐服之

五德

丸

炮薑補骨脂木香五味并吳萸腹疼嘔惡傷

生冷脾腎虛寒瀉泄施

治脾腎虛寒瀉泄驚澹等證或暴傷生冷或受時

氣寒濕或酒濕傷脾腹痛作瀉或飲食失宜嘔惡

痛泄無火等證

補骨脂

吳茱萸

木香

乾薑

北五味

湯浸蒸餅九桐子大每服六七十丸甚者百餘丸

滾白湯或人參湯或米湯俱可下

腹痛多嘔者

加胡椒更妙

七德丸

吳茱萸藥薑朮香故紙茯苓蒼脾傷生冷多

停滯瀉痢腹痛無不良

治生冷傷脾初患瀉痢肚腹疼痛凡年壯氣血未

衰及寒濕食滯凡宜和胃者無不神效此卽佐關煎之偏裨也

合烏藥

吳茱萸

乾薑

蒼朮

木香

茯苓

補骨脂

神麴糊丸桐子大每服七八十丸滾白湯送下

復陽丹理陰寒甚吐瀉腹痛寒疝證五味胡椒草附  
薑炒黃白麴爲丸進

治陰寒嘔吐泄瀉腹痛寒疝等證

附子

炮薑

胡椒

北五味

炙甘草 白麪

右爲末和勻入溫湯搗丸桐子大每服一錢隨證  
用藥引送下

黃芽丸用參爲主少佐焦薑治嘔吐脾胃虛寒食不  
消吞酸脹泄常嚼愈

治脾胃虛寒或飲食不化或時多脹滿泄瀉吞酸  
嘔吐等證此藥隨身常用甚妙

人參 焦乾薑

煉白蜜爲丸芡實大常嚼服之

一炆丹中參附收虛寒脾腎病應投腹疼泄瀉誠堪  
已陽痿怯寒亦可瘳

治脾腎虛寒不時易瀉腹痛陽痿怯寒等證 此  
卽參附湯之變方也

人參 製附子

煉白蜜爲丸每服五分白滾湯下

九炆丹 焦薑肉苁需骨脂熟地附吳萸華菱五味同  
甘草脾腎虛寒藉此扶

治脾腎虛寒如五德丸之甚者

熟地

製附子

肉豆蔻

焦薑

華菱

吳茱萸

補骨脂

甘草

五味子

煉白蜜爲丸或山藥糊丸如桐子大每服七八十

丸或百丸滾白湯下

如氣虛者加入參尤妙

溫臟丸

川椒歸芍木參苓樞肉史君合楨薑配入泡

吳黃虫積復生能杜絕

治諸虫積既逐而復生者多由臟氣虛寒宜溫健  
脾胃以杜其源此方主之

人參

芍藥

川椒

細樞肉

白朮

茯苓

乾薑

史君子

當歸

枳榔

吳茱萸

右爲末神麴糊爲丸桐子大每服五七十丸或百

丸饑時白湯下如臍寒者加製附子

聖朮煎桂朮陳薑能治脾虛飲食傷吐瀉脇疼胸膈  
痞脉微神倦自無妨

治飲食偶傷或吐或瀉胸膈痞悶或脇肋疼痛或  
過用剋伐等藥至傷臟氣有同前證

氣怯神倦者速宜用此不得因其虛痞虛脹而畏  
用白朮此中虛實之機貴乎神悟也若痛脹覺甚  
者卽以此煎送神香散最妙若用治寒濕瀉痢嘔  
吐尤爲聖藥

白朮

乾薑

肉桂

陳皮

若治虛寒瀉痢嘔吐等證則人參炙甘草之類當  
任意加用 若治中虛感寒麻黃柴胡亦可加用

固陣



秘元煎益心脾氣參朮藥苓共五味遠志棗仁草共  
櫻遺精帶濁差堪餌

治遺精帶濁等病此方專主心脾

人參 遠志 山藥 棗仁

金櫻子 白朮 茯苓 芡實

炙甘草 五味

此治久遺無火不痛而滑者乃可用之 如尚有

火覺熱者加苦參 如氣大虛者加黃芪

固陰煎地藥味萸攀參草兔絲遠志班經水因虛脫

不固濁淋滑泄總能關

治陰虛滑泄帶濁淋遺及經水因虛不固等證此  
方專主肝腎

人參

熟地

山藥

山茱萸

炙甘草

遠志

五味

兔絲子

如虛滑遺甚者加金櫻子肉或醋炒文蛤或烏梅  
如陰虛微熱而經血不固者加川續斷 如下

焦陽氣不足而兼腹痛澹泄者加補骨脂吳茱萸  
之類 如肝腎血虛小腹痛而血不歸經者加當

歸 如脾虛多濕或兼嘔惡者加白朮 如氣陷  
不固者加炒升麻 如兼心虛不眠或多汗者加  
棗仁炒用

兔絲煎亦治心脾思慮勞傷精卽遺鹿角霜歸遠志  
草參苓山藥棗仁宜

治心脾氣弱凡遇思慮勞倦卽苦遺精者宜此主  
之

人參 鹿角霜 當歸 遠志

炙甘草 山藥 茯苓 棗仁

鬼絲子

或加白朮

惜紅煎可治腸風婦女淋漓崩漏紅朮芍荊甘山藥  
斷烏梅五味地榆充

治婦人經血不固崩漏不止及腸風下血等證

白朮

芍藥

荊芥穗

炙草

山藥

續斷

北五味

烏梅

地榆

如火盛者加黃連黃芩

如脾虛兼寒脾泄者加

破故紙人參

苓朮兔絲丸可珍腎脾虛損夢遺頻藥蓮味仲同甘草服此頓令病去身

治脾腎虛損不能收攝以致夢遺精滑困倦等證

白茯苓

白朮

蓮肉

炙甘草

兔絲子

杜仲

五味

山藥

右用山藥末以陳酒煮糊爲丸桐子大空心滾白

湯或酒下百餘丸如氣虛神倦不能收攝者加

人參尤妙

固真丸內兔絲多牡蠣雲苓櫻子和精滑夢遺憂損  
怯蜜丸酒下理沉疴

治夢遺精滑

兔絲子 牡蠣 金櫻子 雲茯苓

右蜜丸空心好酒送下三錢或鹽湯亦可

玉關丸可治崩淋帶濁腸風血不禁交蛤麝禁訶五  
味滑泄瀉痢并堪噙

治腸風血脫崩漏帶濁不固諸藥難效者宜用此  
丸兼煎藥治之及瀉痢滑泄不能止者亦宜用此

文蛤

白麪

枯礬

北五味

訶子

右爲末用熟湯和丸梧子大以溫補脾腎等藥隨  
證加減煎湯送下或入參湯亦可如血熱妄行  
者以涼藥送下

鞞隄丸 益智朮 絲子 韭味地 苓附 故紙 山藥 糊丸 溫  
酒吞命門火 益水泉止

治膀胱不藏水泉不止命門火衰小水不禁等證

熟地

兎絲子

故紙

益智仁

白朮

北五味

附子

茯苓

家韭子

右爲末山藥糊丸如梧子大每服百餘丸空心滾湯或溫酒下如兼氣虛必加入參

敦阜糕中白麵需冬朮故紙與之俱爲末白糖調服好腸滑瀉痢久能驅

白麪

冬白朮

破故紙

右共爲末食前將白糖加入隨宜用清滾湯調服如糕法如胃寒者每藥一兩加乾薑炒末五分或



一錢如有氣不順或痛或嘔每末一兩加丁香二錢如滑泄不禁者每兩加粟殼末炒黃一錢若作丸則宜三味等用卽名敦阜丸

# 因陣

逍遙飲 地芍棗歸陳遠志茯神炙草倫思靜損傷經脉忤心脾衝任可調勻

治婦人思鬱過度致傷心脾衝任之源血氣日枯漸至經脉不調者

當歸

芍藥

熟地

棗仁

茯神

遠志

陳皮

炙甘草

如氣虛者加人參 如經水過期兼痛滯者加酒  
炒香附

決津煎裡桂烏藥地膝瀉歸通血絡能養血虛經痛  
調補而後瀉如疏鑿

治婦人血虛經滯不能流暢而痛極者當以水濟  
水若江河一決而積垢皆去宜用此湯隨證加減  
主之 此用補爲瀉之神劑也如氣虛者宜少用

香陳之類甚者不用亦可

當歸

澤瀉

牛膝

肉桂

熟地

烏藥

如嘔惡者加焦乾薑 如陰滯不行者非加附子

不可 如氣滯而痛脹者加香附或木香 如血

滯血澁者加酒炒紅花 如小腹不煖而痛極者

加吳茱萸 如大便結澁者加肉苁蓉微者以山

查代之

五物煎同四物湯更加肉桂法誠良血虛凝滯多著

積小腹急疼用此康

治婦人血虛凝滯蓄積不行小腹痛急產難經滯  
及痘瘡血虛寒滯等證神效

當歸

芍藥

熟地

川芎

肉桂

兼胃寒或嘔惡者加乾薑炮用 水道不利加澤

瀉或猪苓 氣滯者加香附或丁香木香砂仁烏

藥 陰虛疝痛者加小茴香 血瘀不行臍下若

覆杯漸成積塊者加桃仁或酒炒紅花 痘瘡血

虛寒勝寒邪在表者加細辛麻黃柴胡紫蘓之屬  
調經飲用青歸膝香附查苓除婦疾經滯不調氣不  
平宜於多痛宜於實

治婦人經脉阻滯氣逆不調多痛而實者

當歸

牛膝

山查

香附

青皮

茯苓

如因不避生冷而寒滯其血者加肉桂吳茱萸之  
類如兼脹悶者加厚朴或砂仁亦可如氣滯  
者加烏藥或痛在小腹者加小茴香

通瘀煎 血積痛無涯歸尾紅花香附查烏藥木香  
澤瀉經停氣滯服之嘉

治婦人氣滯血積經脉不利痛極拒按及產後瘀  
血實痛并男婦血逆血厥等證

歸尾 紅花 香附 山查

烏藥 木香 青皮 澤瀉

兼寒滯者加肉桂或吳茱萸 火盛內熱血燥不  
行者加炒梔子 微熱血虛者加芍藥 血虛澀  
滯者加牛膝 血瘀不行加桃仁去皮尖用或加

藕木玄胡索之類 瘀極而大便結燥者加大黃  
或加芒硝蓬朮亦可

胎元飲 杜仲當歸芍參朮草陳熟地着胎不固兮與  
不安任衝失守宜斯藥

治婦人衝任失守胎元不安不固者隨證加減用  
之或間日或二三日常服一二劑

人參 當歸 杜仲 芍藥

熟地 白朮 陳皮 炙甘草

如下元不固而多遺濁者加山藥補骨脂五味之

類 加氣分虛甚者倍白朮加黃芪但芪朮氣浮  
能滯胃口倘胸膈有飽悶不快者須慎用之 如  
虛而兼寒多嘔者加炮薑 如虛而兼熱者加黃  
芩或加生地去杜仲 如陰虛小腹作痛加枸杞  
如多怒氣逆者加香附無妨或砂仁亦妙 如  
有所觸而動血者加川續斷阿膠 如嘔吐不止  
加半夏生薑三五片

固胎 煎 芩朮芍砂仁更入阿膠歸與陳氣滯肝脾兼  
火旺滑胎屢墮此方珍



治肝脾多火多滯而屢墮胎者

黃芩

白朮

當歸

芍藥

阿膠

陳皮

砂仁

涼胎飲用地歸苓枳芍斛苓甘草停胎氣不安由內  
熱熱多加栢更清寧

治胎氣內熱不安等證

生地

芍藥

黃芩

當歸

甘草

枳殼

石斛

茯苓

加熱甚者加黃栢

滑胎煎 臨月最宜煎地藥芎歸枳仲睥常服易生能  
奏效虛人參朮更推先

胎氣臨月宜常服數劑以便易生

當歸

川芎

杜仲

熟地

枳殼

山藥

如氣體虛弱者加入參白朮隨宜用之 如便實  
多滯者加牛膝

殿胞煎用桂川芎炙草當歸苓亦充產後母多見枕  
痛此煎熱服獨誇功

治產後兒枕疼痛等證如神

當歸

川芎

茯苓

炙甘草

肉桂

如脉細而寒或嘔者加乾薑炒黃色用 如血熱

多火者去肉桂加酒炒芍藥 如脉弱陰虛者加

熟地 如氣滯者加香附或烏藥亦可 腰痛加

杜仲

脫花煎義取催生牛膝芎歸肉桂并更用車前將產  
利紅花同入效方成

凡臨盆將產者宜服此藥催生最佳并治產難經  
白或死胎不下俱妙

當歸

肉桂

川芎

牛膝

紅花

車前子

若胎死腹中或堅滯不下者加朴硝三五錢卽下  
若氣虛困劇者加人參隨宜 若陰虛者必加

熟地三五錢

九蜜

煎

吳萸桂地黃細辛歸芍草苓薑心疼腹痛四

肢冷產後寒侵陽弱良

治產後陽氣虛寒或陰邪入臟心腹疼痛嘔吐不食四肢厥冷

當歸

熟地

芍藥

炙甘草

茯苓

乾薑

肉桂

北細辛

吳茱萸

清化飲中地芍丹麥苓芩斛不嫌寒產餘因火身發熱血熱妄行陰弱安

治婦人產後因火發熱及血熱妄行陰虧諸火不清等證

芍藥

茯苓

丹皮

麥冬

黃芩

生地

石斛

如覺骨蒸多汗者加地骨皮

熱甚而渴或頭痛

者加石膏

下熱便澀者加木通或黃柏梔子皆

可隨證用之

如兼外邪發熱加柴胡

毓麟珠裡八珍資杜仲川椒與兔絲鹿角霜尤不可

少調經種子此方司

治婦人氣血俱虛經脉不調或斷續或帶濁或腹痛或腰痠或飲食不甘瘦弱不孕服一二劑即可

受胎凡種子諸方無以加此

人參

茯苓

白朮

炙甘草

川芎

當歸

芍藥

兔絲子

熟地

杜仲

川椒

鹿角霜

右爲末煉蜜丸彈子大每空心嚼服一二丸用酒  
或白湯送下 如男子制服宜加枸杞胡桃肉鹿

角膠山藥山茱萸巴戟肉

如女人經遲腹痛宜

加酒炒破故紙肉桂甚者再加吳茱萸湯泡一宿  
炒用 如帶多腹痛加破故北五味或加龍骨醋

殿用 如子宮寒甚或泄或痛加制附子炮乾薑  
如多鬱怒氣有不順而爲脹爲滯者宜加酒炒  
香附或甚者再加沉香 如血熱多火經早內熱  
者加川續斷地骨皮或另以湯劑暫清其火而後  
服此或以湯引酌宜送下亦可

贊育丹 仙茅歸地叢蛇床巴戟杞萸充淫羊杜伸莖  
蓉木桂附還須韭子同陽痿物衰須用此虛寒何慮  
少兒童

治陽痿精衰虛寒無子等證妙方



熟地

杜仲

巴戟肉

山茱萸

白朮

枸杞

淫羊藿

肉苁蓉

當歸

仙茅

韭子

蛇床子

附子

肉桂

或加入參鹿茸亦妙

柴歸飲治痘瘡先芍藥荆甘身熱宣是痘是邪疑未  
的夾虛夾實總堪煎

治痘瘡初起發熱未退無論是痘是邪疑似之間  
均宜用此平和養營之劑以爲先着有毒者可托

有邪者可散實者不致助邪虛者不致損氣 凡  
陽明實熱邪甚者宜升麻葛根湯如無實邪則悉  
宜用此增減主之

當歸

芍藥

柴胡

荆芥穗

炙甘草

血熱者加生地

陰虛者加熟地

氣虛脈弱者

加人參

虛寒者加炮薑肉桂

火盛者加黃芩

熱渴者加乾葛

腹痛者加木香砂仁

嘔惡

者加炮薑陳皮

若治麻疹或以荊芥易乾葛

陰寒盛而邪不能解者加桂枝麻黃

疎邪飲倍芍柴胡炙草還兼荆紫蘇痘疹初呈血氣  
盛無庸滋補散邪需

治痘疹初起發熱凡血氣強盛無藉滋補者單宜  
解邪用此方爲主以代升麻葛根湯及蘓葛湯等  
方最爲妥當

柴胡

倍用

芍藥

倍用

蘓葉

荆芥穗

炙甘草

無火者加生薑

火盛內熱者加黃芩

渴者加

乾葛

涼血養營 煎治痘瘡血虛血熱最爲良紅花紫草骨

皮芍苓草當歸生地黃

治痘瘡血虛血熱或熱渴或色燥不起及便結溺赤凡陽盛陰虛等證悉宜用此

生地黃 當歸 芍藥 生甘草

地骨皮 紫草 黃芩 紅花

渴加天花粉 肌熱無汗加柴胡 熱毒盛者加牛旁子木通連翹之屬 血熱毒不透者加犀角

柴葛煎堪痘疹調黃芩芍藥草連翹養陰散毒除瘟  
疫表裡相兼壯熱消

治痘疹表裡俱熱散毒養陰及瘟疫等證

柴胡

乾葛

芍藥

黃芩

甘草

連翹

畏毒煎惟痘疹宜乾枯熱熾色衛蘖牛旁紫草木通  
初蟬退芩翹地骨皮

解痘疹熱毒熾盛紫黑乾枯煩熱便結純陽等證

紫草

木通

芍藥

牛旁子

蟬退

黃芩

連翹

地骨皮

渴者加天花粉麥門冬

陽明熱甚頭面牙齦腫

痛者加石膏知母

大腸乾結實臍腹實脹者加

大黃芒硝

血熱妄行者加犀角童便

小水執

閉者加山梔車前子

兼表熱者加柴胡

六物煎因四物湯人參炙草更扶陽痘瘡血氣能充

沛男婦虛羸弱轉強

治痘疹血氣不充隨證加減用之神效不可盡述

并治男婦氣血俱虛等證

川芎

當歸

熟地

芍藥

人參

炙甘草

如發熱不解或痘未出之先宜加柴胡以疎表或  
加防風佐之 如見點後痘不起發或起而不貫  
或貫而漿薄均宜單用此湯或加糯米人乳好酒  
肉桂川芎以助營氣 如氣虛痒塌不起加川山  
甲炒用 如紅紫血熱不起宜加紫草或犀角  
如脾氣稍滯者宜加陳皮山查 如胃氣虛寒多  
嘔者加乾薑炒用或加丁香 如腹痛兼滯者加

木香陳皮 表虛氣陷不起或多汗者加黃芪  
氣血俱虛未起未貫而先癢者加肉桂白芷 如  
元氣大虛寒戰咬牙泄瀉宜去芍藥加黃芪大附  
子乾薑肉桂

六氣煎方痘最宜人參朮草桂歸芪氣虛倒陷癢平  
癰寒戰咬牙效更奇

治痘瘡氣虛癢癰倒陷寒戰咬牙并治男婦陽氣  
虛寒等證

黃芪

肉桂

人參

白朮



當歸

炙甘草

加減法照前六物煎

九味異功

煎

附桂薑參芪歸地草丁香痘瘡寒戰咬

牙陷嘔吐腹疼泄瀉良

治痘瘡寒戰咬牙倒陷嘔吐泄瀉腹痛虛寒等證

人參

黃芪

當歸

炙甘草

熟地

丁香

肉桂

製附子

乾薑

如泄瀉腹痛加肉豆蔻麝炒用或加白朮

透邪煎 麻疹熱初生甘草升防歸芍荊解利得宜毒  
易散投於未出勢當輕

凡麻疹初熱未出之時惟恐誤藥故云未出之先  
不宜用藥然解利得宜則毒必易散而勢自輕減  
欲求妥當當先以此方爲主

當歸 芍藥 防風 荊芥

升麻 炙甘草

如熱甚脉洪滑者加柴胡

牛膝煎推截瘧靈歸陳二味甚芳馨邪經透散斯方

妙血氣微虛自得寧

截癰六效凡邪散已透而血氣微虛者宜此主之

牛膝

當歸

陳皮

右用好酒一鍾浸一宿次早加水一鍾煎服

何人飲內用歸陳加入煨薑氣味純氣血俱虛癰不止補而能截效如神

截癰如神凡氣血俱虛久癰不止或急欲取效者宜此主之

何首烏

當歸

人參

陳皮

熨生薑

若善飲者以酒一鍾浸一宿次早加水一鍾煎服  
亦妙再煎不必用酒

追瘧飲今歸首烏青陳夏草更柴胡陰陽水煮還宜  
露血氣未衰散後需

截瘧甚佳凡血氣未衰屢散之後而瘧有不止者  
用此截之已經屢驗

當歸

甘草

半夏

何首烏

青皮

陳皮

柴胡

水賊煎中水用蒼青皮半夏朴枳榔多痰多濕身經  
瘧形實氣強服此良

凡瘧疾形實氣強多濕多痰者宜此截之大效

半夏

青皮

水賊

白蒼朮

厚朴

枳榔

用陳酒三鍾煎露一宿於未發前服之

牙皂散惟一味燒細研火酒服時調專治

平聲

胃脘苦

疼痛諸藥難瘳此法超

治胃脘痛劇諸藥不效者服此如神

用茅皂燒存性以烟將盡爲度研末用燒酒調服

一錢 軒卽效

荔枝散用荔枝核更取大茴等分合煎氣痛治氣分  
宜氣停小腹痛亦釋

治疝氣痛極凡在氣分者最宜用之并治小腹痛  
痛等證神效

荔枝核 大茴香

右爲末用好酒調服二三錢 如寒甚者加制過  
吳茱萸減半用之 凡心腹胃脘久痛屢觸屢發

者惟婦人多有之用荔枝一錢木香八分爲末每服一錢清湯調下數服除根

外竈傷寒結胸法薑蔥蘿蔔搗勻敷滯行邪散須乘熱攻藥不堪中氣虛

凡病傷寒結胸其有中氣虛弱不堪攻擊內消者須以此法外竈之則滯行邪散其效如神

蔥白頭

生薑

生蘿蔔

右用蔥薑各數兩蘿蔔倍之共搗一處炒熱用手巾或白布包作大餅卷胸前脹痛處此藥須分二

包冷則輪換卷之無不即時開通汗出而愈但不  
宜太熱恐炮烙難受也

又法以大蒜一二十頭搗爛攤厚紙或薄絹上貼  
於脹處少頃卽散用治一切脹痛無不神妙

連翹金貝煎用紅藤夕句蒲公好結朋陽分癰瘍宜  
服此乳胸肺膈並稱靈

治陽分癰毒或在臙腑肺膈胸乳之間者此方最  
佳甚者連用數服無有不愈

金銀花 貝母

紅藤

夏枯草

一名夕句草



蒲公英 連翹

用好酒二碗煎一礫服後煖卧片時 火盛煩渴  
乳腫者加天花粉 若陽毒內熱或在頭項之間  
者用水煎亦可

連翹歸尾 煎入銀花甘草紅藤無以加流注瘍癰丹  
毒證無名腫毒並稱嘉

治一切無名癰毒丹毒流注等毒有火者最宜用  
之

連翹 歸尾 甘草 金銀花

紅藤

用酒煎服如前 如邪熱火盛者加槐蕊

桔梗杏仁煎 草百合夏枯草與紅藤麥連翹阿枳貝  
無名腫咳血肺癰胸痛息

治欬嗽吐膿痰中帶血或胸膈隱痛將成肺癰者  
此方爲第一

桔梗 杏仁 連翹 夏枯草

甘草 百合 阿膠 金銀花

麥冬 貝母 枳殼 紅藤

如火盛兼渴者加天花粉

當歸蒺藜煎 草首烏地芍荆防芎芷俱血氣不充毒

不化癰疽瘡疹痛如無

治癰疽瘡疹血氣不足邪毒不化內無實熱而腫  
痛淋漓者悉宜用之此與芍藥蒺藜煎相爲奇正  
也當酌其詳

當歸

熟地

芍藥

何首烏

炙草

防風

川芎

荆芥穗

白芷

白蒺藜

酒煎服 陽虛不能化毒者加桂枝甚者再加乾

薑附子 氣虛不化者加黃芪人參 毒陷不能

外達者加川山甲或皂刺

芍藥蒺藜煎 瀉木通梔芩龍胆地黃同溫身濕熱多

瘡疹下部諸瘍並有功

治通身濕熱瘡疹及下部紅腫熱痛諸瘡神效外

以螻蛄粉敷之

梔子 黃芩 木通 龍胆草

澤瀉 芍藥 生地 白蒺藜

如火不甚者宜去龍胆梔子加當歸茯苓薏仁之屬如濕毒甚者加土茯苓

鰓蛸散八人中白破爛諸瘡毒水溢足股陰囊腫潰餘下疳毒口敷皆合

治濕熱破爛毒水淋漓等瘡或下部腎囊足股腫痛下疳諸瘡皆神效

海鰓蛸

人中白

右爲細末先以甘草多煎濃湯乘熱薰洗後以此藥搽之如乾者以麻油或熬熟猪油或蜜水調敷

之 若腫而痛甚者加冰片少許更妙 若濕瘡  
膿水甚者加蜜陀僧等分或煨過官粉亦可或煨  
制爐甘石更佳

腸癰秘方精且詳紅藤先用酒煎膏地丁午後如前  
服必欲除根末藥良 末藥方中石蠟蚬天龍蟬退  
大黃加蜘蛛須老蚕歸合早上還宜酒服嘉

凡腸癰生於小肚角微腫而小腹隱痛不止者是  
若毒氣不散漸大內攻而潰則成大患急宜以此  
藥治之

先用紅藤一兩許以好酒二碗煎一碗午前一  
服醉卧之 午後用紫花地丁一兩許亦如前  
煎服服後痛必漸止爲效然後服後末藥除根  
神妙

當歸

蟬退

天龍

石螭

此草藥也

大黃

僵蚕

老蜘蛛

右共爲末每空心用酒調送一錢許漸服自消

槐花蕊用治梅瘡不論初生與久瘍早午晚時三次  
服下疳兼治是神方

治楊梅瘡下疳神方

凡棉花瘡毒及下疳初感或毒氣經久難愈者  
速用新槐蕊揀淨不必炒淨食前用酒吞下三  
錢許早午晚每日三服服至二三升則熱毒盡  
去可免終身餘毒之患亦無寒涼敗脾之慮此  
經驗神方也

金露散

螵蛸天竺黃爐甘石煨水飛詳硃砂月石加

冰片目赤障翳腫痛良

治赤目腫痛翳障諸疾



天竺黃

海螵蛸

月石

硃砂

水飛

爐甘石

煨淬童便  
七次飛淨

右爲極細末磁瓶收貯每用時旋取數分研入水  
片少許諸目疾皆妙若治內外皆墮取一錢許  
加珍珠八厘胆礬三厘研勻點之若治爛弦風  
眼每一錢加銅綠飛丹各八厘如赤眼腫痛每  
一錢加乳香沒藥各半分

二辛煎用石膏多少佐細辛氣味和口舌牙根腫痛  
甚煎湯頻漱自然瘥

治陽明胃火牙根口舌腫痛不可當先用此湯漱之漱後傳以三香散或仍服清胃等藥以治其本

生石膏

北細辛

右二味用水二碗煎一碗乘熱頻漱之

冰玉散  
今月石水殭蚕惟有石膏增牙疳齒齕口瘡痛敷與吹之效足稱

治牙疳牙痛口瘡齒齕喉痺

生石膏

月石

冰片

殭蚕

右爲極細末小磁瓶盛貯敷之吹之

冰白散研成細末杏冰銅綠人中白專敷口與舌皆  
糜走馬牙疳也可拭

治舌糜爛及走馬牙疳等證

人中白 冰片 銅綠 杏仁

右爲細末敷患處 此方按古法有以人中白七  
分與枯礬三分同用者 又有以蜜炙黃柏與人  
中白等分仍加冰片同用者是皆可師之法

代匙散用石膏月皂角胆礬冰片協殭蚕草薄荷治喉  
痺研和頻吹通頃刻

專治喉痺

月石

腦荷

石膏

胆礬

粉草

殭蚕

冰片

皂角

右爲細末用竹管頻吹喉中。加牛黃五分更佳。  
三香散裡用川椒冰片丁香方特超如少川椒萆撥  
代牙根腫痛立能消

治牙根腫痛

丁香

川椒

冰片

右爲末敷痛處如無川椒以萆撥代之。

二十四味敗毒散陳歸二地膝荆芎連翹羌獨兼甘  
桔防已蘼皮薏木通白芷忍冬風芍藥黃連知柏黑  
梔同楊梅瘡潰宜煎服加入土苓功自洪

當歸

川芎

生地

熟地

芍藥

牛膝

荆芥

防風

白芷

忍冬

桔梗

防已

羌活

獨活

薏仁

白蘼皮

連翹

木通

陳皮

粉草

黃柏

知母

梔子

黃連

右每貼加土茯苓乾者四兩鮮者須半觔用水六碗煎三碗分三次每日早午晚各服一碗 右方後四味須察其人陰陽寒熱酌而用之